

我在召妓中重遇初戀

作者:jonny 孔仲尼

Powered by [紙言](#)

初次見面

我係一名地盤佬，今年28歲。

月薪3皮，租咗元朗一個細單位嚟住，冇女，拍過三次拖。

喺我既中學死黨橙仔既關照下，我得閒就約下PTGF 呀，去下色情十街幫襯下咁。

距離我上一次拍拖都五年前，大學二次，fg 嘅時一次，最印象深刻的次係初戀，當年純真既我，連錫都未錫過就分咗手，其實到咗今日我都仲未知分手既原因。

我一時時喺到谂點解會分手，佢依家過得好唔好呀，結咗婚未呀。

係咪每個人既初戀都特別難忘？

又經過辛勞既一日，每次離開地盤前我都會沖番過靚涼，廢事喺巴士上臭親人。

我今日精力十足，準備同我既心頭好Elsa 大戰番幾個回合，唔知點解我喺佢身上特別有feel。

我如常走進熟悉的梯間，向上走了兩層，看看門口的張貼，確定冇行錯門口後，

當我準備按下門鍾既時候，你他媽的哥哥，一個見過好多次既馬伕由上面行梗嚟同我講「喂！靚仔！你最鍾意既Elsa 今日唔喺到呀，樓上有個新嚟既，手勢好，又長腿，一流！」

未等我講一句話，佢已經喺我身邊閃過，未竟，佢喺下面大叫

「房號508 呀，唔好按錯旁邊，509 係良家婦女嚟！」 講完就走咗了。

唔知點解今日有一種直覺話比我知道我應該上去，此時我冇因為上唔到Elsa 而失落，反而仲好好奇新女既樣呀身材呀冇Elsa 呀好。

上到去5樓，我即刻屌出聲，好効呀，呢三層樓梯好似擺小弟條命仔咁。唔好問我點解咁虧，你試下搬咗一日鐵，企咗一程巴士，睇下冇冇力行上嚟。

我再三確認門口係508 室，廢時嚇死隔離良家婦女。

我依家既心情唔知點解好似番番去第一次召妓，好忐忑不安，我對自己數三聲後按門鈴。

三... 二... 一... 正當我打算按下去時，門應聲而開，

我抬頭望向打開門的女孩，雙目清秀，美... 很 美，但係有一種熟悉的感覺。

樹洞

「咳...唔該借借! 我要去掉垃圾!」女孩逃避我的目光,出去掉垃圾。

很快女孩又回來「想問下依到係咪508號房?」我問她點頭。

之後大家都清楚咩事啦。

除衣服... 沖涼... 之後就...擁抱她上床 分開佢噃對白滑既腳, 佢對腳又白又滑, 小腿又好撾
經過二十分鐘玉帛相處, 我感到異常滿足, 沉積多日的能量一射而出

「可以點叫你?」喺我穿回衣服既時候問, 佢雖然好怕羞咁, 波又唔大, 但係好吸引我,
我覺得佢吸引個Elsa好多。

「你可以叫我Hailey!」佢慢慢戴回個粉紅色既胸罩時答。

Hailey... Hailey... Hailey 「我個初戀都係叫Hailey!」可能佢都係叫Hailey, 我都唔介意同佢講。

「哦!」佢都唔知比咩反應我好。

「不如你做我一晚既樹洞好唔好!」我突然衝口而出。

「Er... Er...」佢好似係度諗梗點拒絕我好。咁又係冇啦啦叫人聽我講野都好奇怪。

「咁算啦, 突然之間叫你聽我講野好似好奇怪」我對住她說。

「Er... 唔係呀, 我都可以做你一晚樹洞既..., 但係...」佢欲言又止咁。

「但係咩呀, 哟! 我明既, 我會計番個鐘錢比你既!」原來佢擔心啲咁既野。

「唔係呀, 我係想講... 可唔可以唔係依到講, 我唔鐘意依到!」Hailey 細細聲咁講

「當然可以啦, 肚餓未呀, 一路食路講!」我誤會咗佢既意思, 我做出一個Let's Go既手勢。

雲貴風

落到樓下，嗰個死人馬仔一路食煙一路flirt女，見到我落嚟就問「爽唔爽呀，係咪冇推介錯呢！」

佢見到Hailey 跟住我後面就問「邊個比你落嚟呀!!」

我見佢態度咁差就答「我包咗佢一晚，依度二千，師兄拎去飲茶！」

「Okay Okay... 咁哥仔你今晚玩得開心啲喇!!!」 拎住我啲錢後，條仆街即刻好聲好氣。

搞掂條見錢開眼既仆街後，我同Hailey 一前一後漫無目的咁周圍行。

「Er... 我想問呢你想食咩？」 我竟然口吃地問我唔係咁快沉船掛！我竟然覺得緊張...
好耐都未試過依一種感覺。

「Er... 我冇所謂呀！」 Hailey 噏我後面細細聲講 於是我就帶佢嚟咗我覺得幾好食既---雲貴風。

「你想食咩？」我貼心地問。

佢拎住個餐牌一陣都未決定到，我就同佢講「不如我幫你叫？」

佢即刻點了點頭

「兩碗麻雞、腩肉、魚皮餃米線！」 上了年齡既婆婆搬到我地枱上。

「餓喇，快啲食，食完我先慢慢講！」 我估唔到自己竟然咁溫柔咁同佢講。

我把最後一條米線食落肚，飲埋嗰碗湯底，我比佢既評價係1000/100，依一間野真係冇得輸。

「好唔好食？」我一路抹嘴一路問，明明一個幾鐘頭前我地先完成咗一次金錢交易，
依家我竟然關心理佢既伙食，方清呀方清，你一定痴咗線喇。

Hailey 佢又一次點了點頭，就逃避我既目光。我應該個樣人畜無害，點解佢咁怕羞既，
我眼前既女仔愈望愈可愛，我已經忘記咗佢做邊行，我只係知道我對佢有好感。

「Er ... 你係咪想講野喇，我準備好聽喇...」 佢對我說

初次見面

我立即從那些思想中返回現實，清一清喉嚨，「是咁的，想當年……」

當年我19歲，Hailey 同我一樣大（依家依個Hailey 唔係食米線嗰個）

每個人既初戀都係甜蜜既。

中學畢業後，日日過著行屍酒肉既日子，有一日，我中學巴打同我講話去旅行，平時將啲錢拎曬去課金既我，梗係無錢去旅行啦，但無錢又要扮大頭鬼，最後我決定去薩莉亞見工。

嗰時先得個五月，我係全場最細既兼職，好多姐姐呀，姨姨呀對我都好好。

例如會拎啲私人珍藏出嚟食呀，做野比我偷懶，同佢地番工竟然出其地好歡樂。

過咗兩個月後，正係我第一次去旅行既日子，呢程旅行可能只係另一個男既關係，時間過得特別快，食兩啖炸魚薯條就過咗。

番到香港後，我繼續番薩莉亞，依個時候已經係暑假，多咗好多兼職既同事，有好多靚仔靚女，但係我只係對一個人特別有興趣，佢就係Hailey 嘅。

我地第一次見面係日頭，收工既時候係夜晚。

佢雙眼唔算大但清澈，櫻桃小嘴，咖啡色馬尾，身形高挑瘦削，外貌十分討人喜歡，人靚聲甜，對我來說是一位完美女神。

過咗兩日我都未搵到機會搭訕，為咗能夠同佢打開話題，我上咗當時仲係好少人既連登，終於比我搵到搭訕既方法。

我睇咗個時間表，喺11點至12點其間只有我同佢兩個樓面，於是我在一早番到薩莉亞，瘋狂照鏡，Gel咗個頭，準時打卡，睇準Hailey 番嚟既時間，準備一切既工作。

毒撲最忌有自信，但我要證明比全世界知我唔係毒撲!!!!

在她打卡的一刻，我露出我最有自信既笑容，「早晨！我叫呀Roy 呀，你點稱呼？」我一口氣咁講曬出嚟。

一秒...兩秒...三秒...死喇 好似卡爾洛斯對我講 我已經死亡!!!! 有危就有機！

「呀！呀Roy 你好呀！我叫Hailey，多多指教!!」說罷後她竟然伸出手。我二話不說與她進行了第一次既身體接觸。

你喜歡孔子嗎？

連登教我打蛇就隨棍上，於是趁還有些時間，我就把握機會問她「你喜歡孔子嗎？」

為咁知道孔子係邊個，我琴晚仲特登去睇下孔子學說，論語呀出名既作品。

最怕空氣突然安靜~~~ 我看著她的表情由驚愕到訝異到開心到興奮到雀躍地反問我「你都鐘意孔子？」

「Er... 係呀，佢係我兒時偶像嚟架！」 溝女最緊要有自信同笑容。

「出去開門、抹抬啦，咁多野講!!!!」 一把打攬我地既聲音由廚房深處發出

「咁我出去抹抬先喇！」 Hailey 對住我偷笑說，並行了出去 Um... 我應該成功咗吸引佢注意??

如是者接下來幾日，我地一連幾日都係繼續討論孔子，

每晚我睡夢中都見到一個慈祥既老人家，我每次見親佢佢都會嘴角微微向上傾，露出一對潔白既兔仔牙。

為免再煩擾佢老人家，我決定今日開始唔再傾佢老人家既話題。

「Hailey 早晨！」 我每日最期待既環節就係見到佢

「早晨 Roy! 」 佢笑住答我 又有一樣野我唔明，

點解佢成日都笑既，唔通佢係笑累我，雖然佢笑係笑得好甜，但係唔好笑我先得架！

今日我學識咗意粉位，終於唔洗日日都傳菜呀，收拾呀。

學有所成既我，憑著我一對玲瓏巧手，自創咗一碟燒汁海鮮煙肉意粉。

賣相十分不錯，我都準備去同Hailey 同埋火車，金人一齊食午餐。

「Hailey 你試下先，我啱啱無師自通既燒汁海鮮煙肉意粉！」 我貼心地將意粉捲了一圈，並遞向坐我對面既Hailey。

佢好似好抗拒，抿著嘴搖搖頭，但無奈我意志堅定，佢最後一啖食咗。

我期待著佢既評價。

「呀... 好食噶，點整架??」 Hailey 滿心歡喜地問

「好食就一定架啦，點整就係呢...你哄個頭埋嚟先...」 佢又好聽話咁哄過嚟

「唔話你知！」

「衰人!!!!!!你話我知啦!!!!」佢那對充滿期盼既目光十分之耀眼，我不忍心唔同佢講

「你鐘意既話不如我日日整比你食，好唔好？」男生永遠係依啲位到覺得心如鹿撞，好似比咗個承諾對方。

「好呀！你真係整比我食先好講呀！」佢竟然諗都唔諗就應承咗

「當然啦，依個係我既榮幸！」我滿心歡喜咁講

食完意粉後，我發現咗一個問題!!!!

原來我仲係用繫同一隻叉呀，我的天，即係話我同佢間接接吻!!!

「呀Roy呀，你冇野嘛，點解你眼金金咁住我？」佢好疑惑咁問

面對突如其来既問題，扮無知不失為一個好辦法，我即刻講「吓！咩事呀？我冇呀，邊有姐！」

我又露出一個尷尬而不失禮的微笑嚟發解今次既危機。

「係呀，咁冇野喇！」佢用一個狐疑既眼神打量我一下就繼續看她的Running Man。

我都唔騷擾佢喇。

屁孩聚會

跟住落嚟第二日既晏晝，我整咗一份魷魚筒飯、一份漢堡配雞翼。

Hailey 遙遠已經聞到香味，「嘩！你真係整埋比我食架？」佢開心嗰個樣已經表露曬出嚟。

「緊係啦！大丈夫一言既出駟馬難追嘛！」見到佢開心我都開心曬。

「好唔好食呀？」我問佢

「好好食呀！好耐冇食過咁好食既野喇廚神！」佢食到lam lam 脾

跟住落嚟個幾日我整咗綠茶意粉，特製芝士薯仔，三文魚意粉，炒飯等奇怪料理。

但係Hailey 佢每次都好棒場，整親啲咩佢都覺得好食，搞到我每日番工既動力就係去煮一個美味既Lunner 比佢。

過咗一個禮拜後，我先發現我冇佢電話號碼，我要試方法拎佢個number 番嚟。

其實薩莉亞個群組入面有齊曬所有人既電話，而我都知佢電話係既多號。

佢Whatsapp Icon 係一隻可羅米，其實我鍾意Melody多啲，但係我都張我個頭像轉做巴庫，希望佢會留意下啦。

今日又同佢一齊食呢個Lunner，菠菜芝士薯仔加煙三文魚焗飯。

「係呢，你電話幾多號呀？」我一路問路避免發出Jap Jap 聲

「你係個群組入面搵下咪知囉！」佢調皮地答

「依個群組大拿拿五十幾人，我以為個姐係你既話咁咪出事!!!!」我笑笑答

「哈哈哈哈.... 哈哈哈哈...」佢笑到見牙唔見眼

「冇冇咁好笑呀？小屁孩！」我取笑佢

「邊個屁孩呀，你就屁孩，你唔引我笑咪得囉!!!! 拎部電話嚟！」佢伸隻手比我 我沒有作出任何反抗就雙手呈上我部電話。

佢按咗兩按就比番我，我拎到時一睇，原來佢已經將佢自己個號碼set 呃落去。

個名仲叫靚女Hailey。

我無言...

「將自己叫做靚女係屁孩先會咁做！」我揶揄佢

「屁你個頭呀, 本身想同你講一樣野, 依家唔講lu ~~」 佢用得意洋洋既表情同我講
錢女人.....

「對唔住呀靚女, 我先係屁孩呀, 大人有大量呀...」 我用一個哭腔同佢講
「哈哈哈哈...哈哈哈哈... 你好攬笑呀! 好啦, 我講喇, 其實呢... 唔同你講喎!」 佢又偷笑
佢笑雖然癩但係很美, 但佢都好記仇下喎。

「唔講就算!」 我再冇精力同佢傾落去喇

「小屁孩, 你瞓呀, 唔好瞓啦, 靚女姐姐同你講喇, 其實呢琴日係我既生日喎!」 佢同我講

「生日!!!! 你生日! 噢! Er... 呀... 生日快樂呀 靚女妹妹!」 我有啲生硬咁講

「多謝! 點解叫我妹妹既? 你大個我呀?」 佢一路甜笑一路講

「係呀, 我大個你呀!」 我講完行咗去收銀個位置, 拎咗張紙喺上面寫咗畫咗啲野就番番埋位。

「嗰, 生日快樂, 送住呢個生日蛋糕比你先,
一定有機會送個大蛋糕比你, 靚唔靚呀?」 我將啱啱畫咗喺張紙上面既蛋糕送比佢。

「哈, 嘩! 估唔到你畫畫都有番咁上下水準喎! 你應承送個蛋糕比我架!!!!」 佢一次比一次笑得更燦爛

「Okay 我會架喇!」 講完又夠鐘番去做野喇。

無聊IQ題

喺廁所break 既時候, 我偷偷地去咗夾糖舖夾咗一袋糖番去, 我拎咗張冇用既收據, 用收據寫咗啲紙, 然後貼番喺袋糖到, 唔知佢會唔會發現呢?

我同佢做咗一日野, 劲到腰都企唔直。

「喇! 送比你既, 雖然蛋糕就差住先, 包糖當住利息先啦! 」 我一臉怕羞地說

「嘩! 係糖呀, 多謝呀, 做完野有糖食真係好呀! 」 佢一臉疲倦的樣子 你既笑容比糖更甜。

之後我地日日都好歡樂咁番工, 放工放假都有保持聯絡。

得閒就講下無聊IQ題, 冷知識。

有一日我問佢「知唔知咩人用電動車既比例最高?」

「唔知!」

「老人家用電動車既比例係最高呀!」

「點解既? 哈哈哈哈.... 我知道喇, 係咪老人家啲啲的電動車係電動輪椅呀!」

「嘩! 屁孩你醒咗㗎!」

「屁你個頭!!!!!!」

有佢既日子每日都好快樂。

時間好快就到九月, 九月係一個新學年, 亦代表番工既日子會少咗好多。

亦即代表見佢既機會會少咗好多。

我地變咗逢星期六先見一次, 但係我同佢既關係冇疏遠, 但都冇拉近過, 可能一直以嚟佢都只當我係工作小拍擋, 戰友而已。

辭職

人一到寂寞既時候難免會胡思亂想，我亦唔例外。

我有試過問佢IG，佢hea 我之後扯開話題。

我有試過約佢出街，佢話尷。

曖昧其間係最甜蜜，亦都係最辛苦。

對話一日比一日少。

我地保持住依一種關係去到新一年。

聖誕節，佢約咗朋友，除夕就約咗屋企人。

從來沒我份，犧牲當做例行，我慣了傷心。

我唔敢去確認我地既關係，我唔敢去問佢。

去到最後，我同佢都已經冇再聯絡，應該話係我唔知用咩身份去同佢繼續落去。

去到新年後，我辭職了。

一來頂唔信個經理，二來我應該都要展開新生活。

最後一日 「喂！我做埋今日走喇喎！」

唔知幾時開始我地又變番咁生疏

「吓！之後諗住做咩呀？」 佢食住我整比佢既三文魚焗飯答

「未諗到呀！可能放番個假先，依家啲功課有啲煩，遲啲先算啦！！」

「加油啦!!!」

跟住時間就過得好快，人係有感情既動物，我喺依度都做咗超過半年，臨走前都有啲不捨，話曬都係我第一份工。

我同咗好多人講再見，最後我行到去佢面前 「再見!!」 我仍裝強顏歡笑同佢道別

「再見!!!!」 佢望著我既眼神好似好糾結咁 我都唔理了，我一步...兩步...三步走出門口。

我都係唔爭起咁望番轉頭。

我喺落電梯前舉高隻手，對佢揮揮手 佢都對住我揮手。

我遙遠都可以看見她眼中全是不捨的眼神。

我唔知我今日咁做啱唔啱, 正所謂條路自己揀, 仆街唔好喊。

重遇

兩個月後, 番學既時候, 一個多管閒事既組員問我 「點解你個Whatsapp 冇頭像既?」

「吓! 冇理由呀! 我咪用緊巴庫個頭像囉!」 我覺得佢真係好煩

「冇喎!」 佢真係好煩

「屌! 擺嚟啦!」 我一手搶咗佢電話, 一睇, 「點解咁既? 我個巴庫頭像呢?」

「話咗你冇頭像架啦, 講你又唔聽!」 佢仲係到煩住我

「收一收皮先好冇!」 我終於見到原來我既個人頭像一直都set 咁沒有人, 唔怪得知佢一直都冇同我講啦, 唔知依家整番會唔會太遲呢?

「多謝你!」 我屌完佢之後, 又同佢道番歉

如是者, 又到學期末。

有一晚, 我趕緊assigment 既時候, 電話叮一聲將我嚇一跳。

「邊個咁夜搵我?」 我一邊抱怨一邊睇

哇!!!!!!!!!!!!!!!!!!!!!! 電話螢幕顯示 你有兩則信息來自靚女Hailey。

竟然佢搵我, 唔通佢發現咗我個頭像?

一撲落去 「做咩抄我頭像呀 屁孩?」 句字雖然冰冷, 但有一股暖流流入我既心窩, 暖人心

「邊有抄你呀, 我用巴庫關你咩事呀, 屁孩!」 我用心地檢查每一隻字, 確保寫得好好睇睇就發送咗出去

三秒... 叮「屁你個頭, 無啦啦做咩抄我用巴庫呀! 答我呀」 估唔到佢秒回我

「屁孩, 你睇清楚, 你個隻係可羅米嚟架喎!」 我依家心情十分之愉快 好耐都未試過同佢傾咁耐喇。

第二日, 我問佢 「你仲做緊薩莉亞呀?」

「冇呀, 你個時走咗冇耐, 我都辭咗職喇!」

「竟然, 咁你依家做緊咩工呀? 我又想番工喇, 依家好窮呀!」 我答

「冇番工呀, 我都想番呀, 有咩做好呀?」

「你都窮呀, 唉! 都唔知有咩好做好!」 我答

「我個朋友send 呃張相比我, 話數字零食店請人喎, 有冇興趣?」 佢講

「有呀, 依家落去睇下請唔請先。」 講完之後我就落咗去見工

「祝你好運!!!」 有佢依句, 我點會見唔成呢

飯聚

一如我所料，依間數字零食店即刻請咗我喇。

我做咗幾日後，原來上貨、執貨都唔係好難，又唔洗拎著啲重野，依到做野輕鬆好多，錢又多。

我做咗一個禮拜後，今日忽然間多咗個不速之客。

「喂！Surprise！Mother Fucker！好勤力喎！」Hailey 冇啦啦係我執梗貨其間彈咗出嚟

「點解你喺度架？你又知我喺到做既？」我見到佢又驚又喜，個心仲離一離

「係呀，咁啱係附近，睇下某人會唔會同我食個飯呢？」佢等登用一個古怪既腔調嚟講

「唔知呢？應該就到食飯時間，我係咪應該book 個位呢？」我反問

「緊係啦！我去行一陣之後番嚟搵你！」佢對我甜笑一下就走了

我立即跑去對面間人氣日本餐廳留兩位姓方既。

過咗一陣，到食飯時間，我打電話比佢。

「喂！屁孩，你喺邊呀，我可以食晏喇喎！」我用一個溫柔既聲線講

「屁你個死人頭呀！我咪喺你後面囉！」我聽到後一轉身就見到佢，我地一齊見到對方後傻笑。

「食咩呀，肚餓呀！」佢抿著嘴向我撒嬌

「知你肚餓喇屁孩，我啱啱已經book 咁人氣日本餐廳喇！」我得寸進尺咁講

之後我唔比佢講野既機會，就帶咗佢入去。

「你想食咩？」我見佢拎住個餐牌咁耐就問佢

「唔知呀，我想食魷魚筒飯呀！」

「小姐，我唔係喺度做架喎，佢冇魷魚筒飯呀！」當我聽到佢想食魷魚筒飯，我心情即刻好好，估唔到佢仲記得魷魚筒飯

「車！！咁我要魷魚炒飯啦！」佢竟然揀咗啲奇怪既炒飯，唔洗一陣，佢個魷魚炒飯同我個咖哩湯拉麵就嚟到。

「哇咁既味既!!!!」我見到佢食完一啖既樣仲慘過連仆十次街，我唔小心笑咗聲出嚟

「笑咩笑呀，屁孩，咁都笑，哼!!!!」佢又準備食多啖既時候，我一手捉住佢隻手，唔比佢再食多一啖，佢愕了一愕。

「咁難食！唔好食啦！好我喺碟啦！」我用一個迷死女既眼神電佢，唔比佢有任何機會出聲，就食咗魷魚炒飯一啖

佢望住我，我又望住佢，四目相投，我做好面部表情管理，盡量避免露出想噏既表情，以免佢覺得自己對我有所虧欠

佢之後就好開心咁食緊咖哩湯拉麵，而我就扮到好開心咁食垃圾。

轉場

「其實呢我又就嚟做你同事喇!!!」 佢忽然同我講

「嘩! 你又做我同事呀! 幾時會見到你呀?」 我食住垃圾問 「

唔係你依間呀, 我喺嗰一區!」 佢食到成嘴都係

「喇! 紙巾呀, 屁孩, 你食到成嘴都係咖哩汁呀!」 我遞張紙巾比佢

「唔該屁孩! 我下星期二番工喇!」 佢一路抹嘴一路講

「喂! 屁孩! 我下星期一生日喎!」 我開始試探下佢

「係咩! 咁預祝你生日快樂啦, 屁孩, 大個仔喇, 唔好再做屁孩喇!!」 佢用一個真摯既樣同我講

「多謝喇! 我終於大個仔喇!」 我答

「靚仔靚女仲冇冇需要落單, 我地就嚟收舖喇!」 婆婆忽然既出現將我既故事斬開咗

「冇喇靚女!」 我對婆婆說

「我原來講咗咁耐喇! 有冇悶親你呀?」 我貼心咁問下聽咗我講咗咁耐既Hailey

「冇呀! 我仲想繼續聽落去!」 佢竟然仲有興趣聽落去

「咁我要轉場講喇喎, 有冇咩地方可以比我講埋落去呢?」 我問

「你屋企呢?」 佢睇去有少少臉紅

「咁呀! 不如去開間房啦!」 我提議, 我唔係好想比佢知道我住邊, 廢事手尾長

「你話事啦!」

之後我去咗間叫漢宮別墅既賓館, 230大元4個鐘, 一入到去間房好細, 張床三邊都係牆, 床板又硬, 床單一望就知唔討好, 冷氣開極都唔凍, 哟窗關唔實會聽到巴士站啲聲, 唉原來咁垃圾。

甜故

甜故部份

請轉場去連登睇甜既部份

#114 開始甜

<https://lihkg.com/thread/2299029/page/5>

生日驚喜

經過一番周騰，我地終於面對面繼續番啱啱既話題。

啱啱講到我嚟緊下星期一生日 同Hailey 食完飯後，佢有其他野做，而我個晏晝已經過咗好耐喇，我地就此分別。

「再見！」我同佢揮揮手，唔知點解我又諗番起上次同佢講再見既情境

「再見！」佢講完就輕輕地離開。

之後幾日，我都好勤力咁扮工，hea 得一日就一日，我明白到打工係唔洗勤力既，打工唔同健身，勤力係唔會有回報。

終於到咗星期一喇，琴日番工好効所以好早就訓咗，今朝一打開部電話就見到Hailey 發咗條信息過嚟。

「生日快樂呀 Roy! 祝你日日都開開心心，快高長大，唔好再做屁孩喇，你望下姐姐幾好，準時十二點鐘同你講生日快樂，唔講喇，早抖，祝你有美滿既一日!!!」 12:00

我收到依一則信息覺得有一種好似兒子生性病母感安慰既感覺。

「多謝，我今日一定會開心既姐，係咪呀Hailey 姐姐? >o<」 9:38

生日係唔會有等權，唔會雙糧，唔會有得早走。

去到十二點幾，Hailey 都冇覆過我，我自己一個又唔知食咩好，準備喺上完貨，是但買盒燒味飯就算。

叮!!! 「你食飯未呀？」 Hailey Whatsapp 問我

「差唔多喇，執埋少少就去食喇！」我覆佢

「咁你去食野同我講啦!!」 佢竟然講啲既野

「好啦！」我對於佢個句充滿困惑 我加快手腳，好快就將啲公仔麵呀，杯麵呀疊我整整齊齊。

「我執完喇，依家去食飯喇！」 我如實咁同佢講

「好啦！咁你食得開心啲喇！！」我更加唔明白佢想做咩 我一路沉思緊佢既意義既時候，

「哇！生日快樂呀！行路做咩dup 低頭呀！」

「哇！點解你係到架！多謝喎，我諗緊野嘛！」 佢幾時出現架，成日都無啦啦彈出嚟既，又嚇到汪呀姐又出現

「人地特登比個驚喜你嘛，諗咩咁入神呀！」 佢雙眼矇起嚟望我

「咪諗緊你囉！」大獲，我唔小心將真心話講咗出嚟添

「口花花啦你，信你至其呀，屁孩！」佢好似冇當一事

「咁你今日想食咩呀？魷魚炒飯？」我又拎上次件事嚟笑佢

「你想食魷魚炒飯咩，我仲等登買咗個蛋糕比你喎！」佢係到那揀我喺依個時候，我先見到佢手上拎住咗個蛋糕盒，

「吓！你買咗個蛋糕比我呀！」我十分驚訝

「係呀！你想唔想食呀！唔食我拎走佢！」佢講

「食！幾大都食！」我同佢講

「拎上去上面公園仔食啦好冇？」我提議，順便幫佢拎住個蛋糕

「好呀！咁行快啲，唔係你又過鐘喇！」佢講

之後我地就行得快過火箭，好快就到公園仔喇。

岩布仙尼

「我係咪可以打開喇？」我好奇地問

「係呀，送比你架！」佢答

我一打開個蛋糕原來唔係即場買架，蛋糕係依個Melody 蛋糕，一見到唔係即場買而係訂既，我個心好似比佢融化咗咁，。

喺依一刻，我只得一句說話，我好愛佢。

「做咩呆咗呀，係咪唔靚呀？」見到我呆咗，佢有啲驚

「唔係呀，我好鐘意呀，我未試過有人會買個蛋糕比我食，我好感動！」我真誠咁講

「你鐘意就好喇！」佢對我嫣然一笑 之後佢對我唱生日歌，但係佢要我好似岩布仙尼咁自己要唱埋一份。

「祝你生日快樂！」終於最後一句喇，我終於明白岩布仙尼既感覺 佢想叫我切蛋糕，

「喂，你未同我影相㗎！」 好彩喺切蛋糕前叫停，重要既事緊係要影相留念

「三、二、一... 咩擦！」 我同佢第一幅合照就咁誕生。

相入面我地之間仲有小小距離，我笑、佢笑得更甜。

佢食咗個蛋糕八份之一，我食咗蛋糕既八份之七。

我頂住肚子咁同佢分別

「好多謝你今日過嚟同埋訂個蛋糕比我！」我由衷地說 「你鐘意就好喇！」

佢笑多一下

如果要喺依個世界上揀一樣野比我睇一世既話，我大概會揀你那個真摯天真既笑容。

表白

過咗兩日，我成功約咗佢食晚飯，我今次冇再喺人氣日本餐廳到留座，今次帶佢去食依個日式拉麵。

佢好準時咁係西鐵站出現，其實今日我想同佢表白，以我睇過咁多故仔既經驗，佢送生日蛋糕比我，一定有好感啦，今次一定成功。

我同佢由車頭行到車尾，其間我每到一節車廂都要求自己去講，但係一行到過去就好清底，我一直以來既自信煙消雲散，

如是者，我由車頭行到車尾都冇出過聲，佢應該覺得我好古怪。

「你做咩唔出聲呀今日？平時你都唔係咁架？」Hailey 一臉困惑

「Er... Er... 冇野呀，今日天氣好好呀可！」佢忽然打繼我思考

「古古怪怪咁！」佢講

我地出咗閘，行到去車站商場，我見到有廁所就同佢講「我想去一去廁所先，你喺依到等我」

佢點頭

我喺廁所到諗定一陣要講咩，洗下塊面，準備好喇，就行番出去。

「唔好意思，要你等！」

「唔緊要！」佢微笑

行多十步後，我就同佢講「做我女朋友啦，同你一齊既時間係最放鬆，可以同你一齊吹下水，一齊講下笑，我覺得真係好開心」

我講到自己都唔知自己講緊咩，點知得番嚟既結果係~~

「吓！咁突然既，Er ... Er... 」佢仲係到諗緊

「得！我明既，你唔洗講喇，咁啦我地去食野啦！」我失望咁講

「比我考慮下先！」我好似聽到佢細細聲咁講。

成晚食飯既氣氛都好尷尬，我真估唔到我會比佢拒絕。

計劃永遠天衣無縫，只因計劃係自己諗。

估唔到我最後都係得番個咁既結局。

再接再厲

第二日，佢同我講放假，我問佢同唔同我食晏晝，

佢話「okay！」

我唔相信一個送蛋糕比我既女仔會拒絕我，我偷偷地寫咗封情信比佢。

今次我同佢食咗一間裝修幾靚既餐廳，全程有講有笑，好似同之前一啲分別都冇。

食完飯後，「喇！我寫比你架，番去先睇啦!!!」我怕羞咁講

「咩嚟架，一定要番去先睇得？」

「係呀！我都係時候要番去喇！」

「嗯！你番去啦！！Bye bye！」

過咗三個鐘後，我Whatsapps 佢 「你睇咗封信未？」

我打探下佢睇咗未 「你真係想知？」

「係呀！講啦！」

「睇咗喇！你想我講咩呢：)」

「今晚我收工一齊食飯？」

「好呀！我想食雲貴風呀！好唔好？」

「好，你話事啦！」我依家好期待今晚既晚餐，我相信今次應該成功喇。

嚟到雲貴風，佢叫我同佢食同一樣麻雞、腩肉、魚皮餃米線。

我地一齊食得好舒服，好滿足，

佢好似等我講野，而我又等緊佢講野。

最後行到送佢番屋企既小路，天色昏晚，伸手不見五指。

未竟，一啲可愛的生物喺小路追逐，嚇得Hailey 佢立刻捉住我手臂。

與此同時，我立下決心，一手拖住佢隻手，默默咁拖住佢，全程我地都有出聲，個心跳得好快，我地幾經波折個心終於連埋一齊。

「喂！我番到屋企喇！你呢！」我打電話比Hailey

「你送我番去架喎！」

「係喎！唔記得添！嘻嘻!!」

「蠢豬嚟既！」佢一路笑一路同我講

「蠢你個頭呀，你就蠢豬，哼！」我反擊

「哼咩哼呀，唔理你，哼！」佢講

「話說！」

「嗯？」

「Hailey 小姐做我女朋友啦！我覺得我講咗先係算一齊！」

「Um ... 好啦，蠢豬嚟既，嘻嘻！」

喺嗰一晚，依啲咁既肉麻甜到漏既對話可以救到幾多個營養不足既小朋友。

給她的生日驚喜上

我地依個熱戀期過得好愉快，雖然要番工，但都有阻我地想見面既心。

我收早時買糖水比我，我再送佢番屋企，佢開早時，我早啲起身同佢食早餐。

好快就到佢生日喇，相信睇咗文既各位都記得我上年應承過Hailey 佢要送個大蛋糕比佢，而今年佢做埋我個女朋友，即係我要預埋佢生日嘅日既行程啦！

我又要請教下連登既巴絲打，有咩地方女仔一定鐘意？

我整合得番嚟既結果全部都係去開房。

對於咁既結果，我係咪一早已經知呢，嘻嘻。

最後我訂咗天際100 二人套票，反斗奇兵4 戲飛兩張。

終於到咗依一日喇，我懷著戰戰兢兢既心情出發，一清早見到Hailey 真係有效保護眼睛。

佢今日化咗個淡裝，更顯出佢既美，美已經形容唔到佢喇！

「早晨，生日快樂呀女朋友仔，今日將會由你個靚仔男朋友帶你享受依一日既愉快旅程！仲有一句，你今日特別靚。」我伸出手去拖住我依個靚靚女朋友

「多謝我呢位靚仔男朋友！咁我今日就交比你喇，唔好令我失望呀！」佢附帶一個甜甜的笑容

「係咁既話出發喇，我地第一站係去食早餐，之後去睇戲！」我地隨便食咗個早餐後就去睇戲。

入到一個冷得咁像停屍間般的戲院，我貼心為我的小女友送上一件外套。

「唔該！」佢客氣地對我說 我對她微笑。

整套戲都係講緊個智障小叉周圍走嚟走去，我覺得一般，而我的小女友就超鐘意嗰隻小叉，明明勁爆公爵先係最得意。

完場後，我地一路討論劇情，一路去咗飲茶，唔好問我點解會去咗飲茶，我都係比佢拉咗入去。

入到去，佢叫咗好多野食，蝦餃，燒賣，流沙包。

重點係佢碟碟都將所有野食放曬係我既碗入面。

佢話：「你唔夠肥呀！食多啲啦！我想成日摸你個肚腩呀！」佢好似見到獵物一樣想食咗我咁款

「吓！我唔想變肥仔呀！法官大人！」我向佢求饒

「你試下！」佢變咗一下臉，女人真係善變

之後我準備個驚喜比佢，唔話比佢知去邊。

平時只有佢比驚喜我，今次我一定要比番個驚喜佢先。

給她的生日驚喜下

終於嚟到環球貿易廣場，佢似乎都唔知去繫邊。

「你帶繫我去邊呀？」佢好奇咁問

「就到喇！」我仍帶住神秘咁講

最後我帶咗佢上去天際100，佢一見到就好興奮，十足十成個大細路咁樣。

「喂！親愛的屁孩女朋友，你洗唔洗咁興奮呀！」見到佢咁開心，我都開心

我同佢喺天際100行咗幾轉，依度睇到既野真係好多，樓下啲人同車比例都變得好細。

「行到劙喇可？」我指著天際100間餐廳並帶佢去

「係呀，坐一陣啦！」佢講

「我去幫你買杯野飲啦！」未問佢飲咩，我就一支箭咁去咗收銀處

「唔該！我之前訂咗個套餐，個蛋糕拎得未呢？」我問收銀姐姐

「拎得喇，你返埋位等啦。」

「我想要多兩杯咖啡，唔該！」之後我就番埋去搵番Hailey

「去咗咁耐既？」佢無啦啦問我

「佢聽唔到我講野，佢聲得一舊舊！」我用盡最奇怪既支體動作去引佢笑

「傻瓜！」佢取笑我

喺依個時候，蛋糕由一個叔叔拎咗過嚟，我仔細欣賞Hailey 面上表情既變化，佢塊面反映出佢好驚訝，之後一個甜蜜既笑容對住我。

我都對佢笑笑，喺依個對望既時候，時間好似永遠停留

我正想採取進一步行動時，那位叔叔竟帶頭唱生日歌，頂你咩，叔叔你唱得唔係時候呀。

我無奈咁望咗一下Hailey，就好快投入咗喺首生日歌之中，最後叔叔幫我地影埋相就番番去做野。

「鐘意依個驚喜嘛？」我坐咗係Hailey 旁邊，並攬住佢問

「鐘意，但係我鐘意你多啲！」佢咁樣同我講 而我就成個傻仔咁喺度傻笑。

「正一傻仔嚟架！」佢喺我旁邊咕嚕咗一聲

我地一齊慢慢食咗個蛋糕去，而上年既承諾我已經做到喇。

而依個時候，正值黃昏，一抹斜陽映照在我倆的臉上，我看著佢，佢望著我。

但我此刻竟然失去了吻佢既衝動，只係發自內心地對她說「你好靚！」

時間好快就過去，此時我已經帶住佢去到食放題，我地行咗一日，身心俱疲。

食到不知時日過，當我地食埋最後既雪糕後就送佢番屋企喇。

又行到嗰條黑暗的小路，我緊握著她的手。

「今日開唔開心，夠唔夠驚喜？」我問

「今日我過得好開心，好耐都未試過咁開心喇！多謝你呀，男朋友仔！」唔知點解佢講依句時竟然怕羞，臉都紅曬

「你開心就好喇，幾驚你覺得悶呀！」

「點會呀，有你係到已經足夠啦！」佢甜笑

「好喇，我要番去喇，你比我攞一攞啦！」佢無啦啦提出依個要求

「好啦，攞一下好喇」佢攞住我既時候，我感受到佢胸前我兩個小饅頭，此時我既男性生理反應立刻出現。

「Er ... 好夜喇，快啲番去啦！」為免佢感覺到我既生理反應，我尷尬咁叫佢番去

「嗯！好啦！你番去小心啲喇，Bye bye！」佢露出了一個邪惡既笑容

「知道喇！」而我就露出一個尷尬既笑容 番去既路上，我真係好慶幸可以有一個咁好既女朋友，

我同自己承諾佢若不離，我定不棄。

傷心

但開心既時光係好快過。

有一晚，佢喊住咁嚟到鋪頭，我好緊張咁問佢咩事，佢又唔講，最後店長比我早走陪住佢。

「親愛的，發生咩事？邊個蝦你？」我緊張咁問

「冇事呀，掛住你之嘛！」佢咁答

你問十個人十個都唔會信冇事啦係咪？

但係我一直都問唔到佢發生咩事，佢都唔肯話比我知道。

最後佢同我講：「靜靜地陪住我好冇？」

同佢坐喺公園坐咗成晚，我個膊頭都濕曬，都冇佢辦法。

「天氣凍喇，番去喇好冇？訓番一覺就咩事都冇架喇！」我繼言

「好啦！我番去喇，你自己番去都小心啲，同埋好多謝你，我愛你！」

「知道喇！我都愛你呀！」

「你可唔可以攬住我？」佢問

「可以！」我講完之後就攬住咗佢，我好想錫佢，但唔知點解我又係錫唔落去，只係錫咗落佢額頭到。

「好喇，我要走喇，再見喇！！我愛你！！」依句係佢對我講既最後一句說話

而依一晚喺我見佢既最後一晚。

失蹤

第二日, 我如常咁Whatsapp Hailey

「早晨, 希望你今日會過得美好!」 09:22

但係去到中午12點佢都未覆我, 我都不以為而, 以為佢未訓醒未覆我。

點知去到我收工, 佢都未覆過我, 我就打電話去佢到, 你所打既用戶並未有登記, 請再試一次。

我打咗一次兩次三次都係得把死人聲, 最後我總共打咗84次比Hailey,
而結果都係你所打既用戶並未有登記, 請再試一次。

我唔知道發生咩事, 可能係我手機問題, 可能佢收唔到, 究竟佢發生咩事呀, 我一世英明,
點解偏偏會遇到毫無頭緒既事架, Hailey 呀 Hailey 呀 你究竟去咗邊呀。

接住落嚟個幾廿日, 我日日都打電話比佢, Whatsapp 佢, 雖然次次都係得一個tick,
但都無阻我搵番佢既心。

我持續咗做四個月, 我既容貌已經變得面目全非, 好痛真係好痛, 點解你要冇啦啦走咗去,
你知唔知我依幾個月嚟幾掛住你, 你去咗邊呀, 出嚟見我一面好冇?

你唔鐘意我既話我會改, 我聽曬你話, 你可唔可以出番嚟呀。

曾經我想去你屋企樓下撞你, 但我唔知你屋企係邊。

曾經我想喺網上搵你, 搵你朋友, 但我唔知你社交帳號係咩, 你既朋友我都唔識。

曾經望著天空一起哭泣至睡, 但我來來回回卻認錯人。

彷彿你已消失在這個世界之中, 無論我如何努力, 如何用盡心機都搵唔到你。

薯皮C

兩個月後，我放棄了，我前前後後搵咗你六個月，一啲消息一啲線索都冇。

有一日，我見到一個以前一齊番薩莉亞既舊同事薯皮C。

估唔到佢遙遠已經認得出我，佢見到面目全非既我，行過嚟問我

「哇！Roy 點解你變成咁既，你受到啲咩打擊呀？」

我睇我出佢真係好關心我

「Er... 你知唔知Hailey 既消息呀？」我把聲已經變得沙啞

「吓！你話比我聽咩事先！」於是我就將我嗰幾萬字既經歷同咗佢講，講到最後我已經聲嘶力竭，淚水已經不受控制了。

「對唔住呀Roy！我無佢消息呀，但係都過咗咁耐，你應該要放低佢。無論佢咩情況都好，佢都唔想見到你依家咁既樣，你咁樣你覺得佢仲會鐘意你咩，人無事先做到世界第一嘛。精神啲！」薯皮C 安慰我

我仍然係度喊緊，我知道我依家個樣一定好肉酸，好核突，但係我真係控制唔到嘛。

之後嗰幾日，帶著天使光環既薯皮C 日日都聽我係度呻，佢完全做咗一個社工既角色，日日都喺度開解我，其實我知架，薯皮C為咗安慰我，佢連幾篇文都唔夠時間打，日日都被讀者催更。

我真係對佢唔住，但係好彩佢喺度，我先可以重新振作。

流淚

之後我都拍多咗兩次拖，但係兩次都好快分手。

唔知係咪我心入面一早留咗個位比Hailey，我喺其他人身上完全投入唔到。

Hailey 佢已經喺我心目中入面不可取代既唯一一位。

故事就講完喇，我已經好簡短咁用萬幾字嚟講，我一直以嚟除咗同薯皮C 講之外都有同個其他人講。

原來有啲事收收埋真係好辛苦，講出嚟真係舒服好多。

我望下對面既Hailey，佢唔知幾時已經淚流滿面，嚇親我喇，估唔到佢都係一位易喊既女仔。

「做咩呀，洗唔洗喊到咁犀利呀!!」我溫柔咁比張紙巾佢

「唔該！」佢答

「Er ... 你聽日得唔得閒嚟我個度呀？」佢突然咁問 估唔到佢咁猴禽，今日都未過，咁快就諗聽日，嘻嘻

「得閒呀，聽日見啦！」個包租婆拍門，催我地仲有十五分鐘要交番房喇。

交番房後，我同佢分別，我番番去自己屋企，打開相簿，睇下成十年前既啲幾張相。

相入面我同佢都笑得好燦爛，唔知點解，過咗咁耐，我的眼淚依舊會滴下來，Hailey 呀，我真係好掛住你呀！

結局

一道溫暖既既陽光照耀著我, 好暖呀, 又要番工喇頂你!

好効呀! 今日hea 到爆炸, 哟都可以唔使理, 飲茶既時間仲多個做野既時候。

收工後, 我依舊沖個涼就出發去Hailey 到, 我又要行上啲幾層樓梯。

究竟唐樓幾時可以加番部lift 落去呢?

去到門口, 今日唔見啲條仆街喎, 噉我按落去時, 門口都係自己打開。

Hailey 都係拎住袋垃圾去掉。

等佢掉完垃圾後, 我問「咁心急叫我過嚟架!!」

之後就一野推咗佢落床。

「等陣呀, 唔好呀!」 佢一路想掙扎 佢愈掙扎, 我愈唔比佢走得甩

「夠喇! 我有關於Hailey 既消息呀!」 佢喊曬口咁講

我一聽到Hailey 依個敏感字, 即刻停曬手腳, 呆曬咁望住佢。

「你講多次!」 我懷疑我聽錯, 我想確認多次

「我有關於Hailey 既消息呀!」 佢歇斯底理地叫

「真係架!!!!真係架!!!!快啲講呀!!!!」 我好似如獲至寶咁望住佢

佢係佢個行李箱入面搵咗兩搵, 之後拎咗兩封信同一隻我已經忘記咗我曾經親手整既小叉。

「點解噃你度架!!!!點解呀!」 我最後一刻理智已經失去埋 我睇睇佢手上拎住個隻小叉既腳, 下面係寫住Roy 同 Hailey 架。

此時, 我既淚水已經控制不住咁流咗落嚟。

我搵咗咁耐既人終於有線索喇。

我依啲叫喜極而泣? 我唔知喇, 我真係好開心呀。

「你開埋啲兩封信嚟睇下先」 尚有理智既佢打斷咗失去理智既我 我打開佢既信, 發覺啲字體十分秀麗, 完全係Hailey 嘅字跡。

最終回~~信

信既內容如下

「我親愛既男朋友：

我好多謝你一路以嚟都咁照顧我！如果唔係你，我既生活一定係枯燥無味，悶死我都似，唔知我今日有冇瞓親你呢？

有既話真係好對唔住，喺依個最徬徨无助既時間，我第一個就諗起你喇！

我好掛住你，掛住你堅實既手臂，掛住成日好似個傻瓜既你。

仲記得我地啱啱相識嗰陣真係好搞笑，你真係一個好有趣既人。

無你既日子真係好苦悶，我真真真真係好多謝你揀我做你既女朋友。

遇著你係我一生既幸運，你一定要幸福呀，我幾時都會支持你架。

最後，我想講既係我愛你呀！

愛你的女朋友上」

我睇完第一封既時候，淚水已經決堤，完全控制唔到。

我立即打開埋第二封信，一見到我已經企都企唔穩。

「我永遠的男朋友Roy

當你睇到依封信時，我已經病入膏肓，我患咗個奇怪罕見病，所有醫生都束手無策，估唔到我都會患上依種病，我真係好想見你一面呀！

我知我不辭而別係好衰，但係可唔可以原諒我呀。

我真係好愛你，如果有下一世，你可唔可以愛多我一次呀，

最後我想講既野其實有好多，但係我已經寫唔到喇。

你送嗰隻小叉我好鐘意，但係我要物歸原主，佢要代我陪著你。

真係最後喇，我愛你!!!

永遠愛著你既女朋友Hailey」

睇完之後，我已經講唔到咩喇，估唔到個衝擊咁大，呀呀呀呀呀!!!!!!!!!!

點解知道咗之後仲辛苦既，點解呀！Hailey 我好掛住你呀！

「咁... 依家佢係邊呀?」我已經冇力去再問任何野

「一如信中咁講, 已經離開咗我地好耐。」

「如果唔係你琴晚同我講你既故仔, 我都唔會搵到你, Hailey 在天顯靈幫手搵你呀!」 佢續說

「總之唔該曬你, 幫我完咗個心願!」 我感恩咁同佢講

「依到小小錢, 唔好再留係依度喇!」 我從銀包中拎出幾張紙幣

「我其實做埋今日都唔做喇, 我一直都係等緊你既出現, 當年受託於佢, 今次終於解脫喇!」
佢頭也不回地離開

「你同Hailey 係咩關係?」 噉佢臨走前我問佢

「重要咩?」 佢露出一個猶如Hailey 般的笑容 成間房得番我一個,

原來Hailey 你冇掉低我, 一直與我同在。

哈哈哈哈哈哈哈

全文完

後記

後記

好多謝大家依幾日既支持

好多謝大家既正評

希望大家睇得開心

唔知個故仔有冇一部份可以篤中大家既笑點

其實個故仔本身既結局唔係咁既，係幾位巴打似乎好想睇有鳩既女仔

最後個結局先會變咗咁

而下次我可以開個故叫《世上多咗一種奇怪既病》

講下點解會有啲女會染上有鳩病

同一時間睇嚟仲尼既世界觀慢慢現形

如果大家有咩睇唔明都可以留言同我講

我會解釋比大家聽

呢個故都有成60~70%係真實既

我都要多謝出現喺我既故既所有出場過既人

打打下我發現自己過份投入咗係主角既情感之中

佢開心我開心，佢傷心我傷心

我開緊紙言既帳戶

想睇番都可以去紙言到睇

最後希望大家多啲支持講故台既作者

有你地既支持先係作者們既動力

多謝大家，下年見